

amótó. Ní mlídé íni bwe á, mliméedida ekekeke. ¹¹ Iba alí á, Bulu obéfinkí òkpa gbagyaa há mlówie aní Wíe pú aní Òlèpú Yesu Kristo iwíegyi ámúú itamamó ònó ámvtó.

¹² Mméesi mli asún ánfí káín. Ibu mótóá mliyin mú dodo. Mlilu mli ònòkwali amusu kínkíínkín. ¹³ Ee, nawun ání íniá nenyaa mbu nkpa ánfí mú á, ibu alé ání nésíá káín mli asún ánfí brégyíbré. ¹⁴ Tsúfé aní Wíe Yesu Kristo lahá mí nabí ání mí nke itráa mòtsó òsulúv anfisv. ¹⁵ Mú sv nòtsv òkpagyòkpasv há mlétsiá káín mósú mí òma.

Kristo Numnyam

¹⁶ Megyí nyánsa anilòpvsré òte bowa súná mli tsú aní Wíe Yesu Kristo túmi pú mu yinkí ba amu iwí. Mbóún aniléhié pú aní ansíbi wun mu numnyam. ¹⁷ Tsúfé aní ansító aní Sí Bulu lópv obú múa numnyam kpònkpònkpòntí há Yesu, bréá Bulu Onumnyampv amu òme ledali tsu òsúsú òbéé, “Ònì gyí mí Bì òdwepúá olegyi mí ansí ní.” ¹⁸ Aní onutó lónu òme amu tsú òsúsú, bréá ania munyò anilíú ibu wankíhé amusu.

¹⁹ Íni sv anilahíé wun ání asún ámúú Bulu ònósú atóipú amu beblí tswí amu ihíé ibu mótó. Ibéhié wá alé há mli, ní mleyaa asv nú mú, gyí mósú. Tsúfé amú asún ámu igyi fé òkandíéá idewankí oklúntò yófvn bréá òyí òbèké, bake òtsrakpabi amu òbówankí mli kluntò. ²⁰ Iwánkí mli ání megyí Bulu ònósú atóipú amu onutó apé bəpəwánlín Bulu asún ámu. ²¹ Tsúfé megyí amú onutó lópv amú agywun blí Bulu ònó asún tswí. Mbóún Òje Wankíhé lébá amúsú beblí asún ání Bulu déklé.

2

Afunu Ató Asunápú

¹ Bímí ámu a, Bulu ònósú atóipú afunupv betsiá Bulu ahátò. Alí kén bétsiá mlitò ní. Bóbwe híéé pú amú onutó atosunáhéá itómó bowa mlitò. Bókusú líí amú Wíe amúú òlòhò amú ámusv kúráá, pòhí amú iwí. ² Ahá tsòtsòtso

bóbuo amú tsiátó laláhe pú péllula anfi. Amú sv ahá bókpoi onokwali okpa ámu. ³ Amú onsípe sv békpekpeé asún blí púswíi mli kóba. Asún ogyípú Bulu léda iwisu oyí opá aní obébití amú isu, hí amú.

⁴ Tsúfé Bulu mésikíé mu aborpu amú bóbwe lakpan ámu kúráá. Olowa amú ikan, tswi amú wá isubití ogyá amú itamadun amu oklúklúklúkpa oklúnto.* Bétsiá unu yófun amú asún ogyíké. ⁵ Mliyin aní Bulu mékiná atitifo amú bumobu mu amu isubití. Mboún oleha ntsu léme amú féé. Noa mua ahá abasiénó pé lésián. Noa léda okan bláa ahá ali bré ámutó obéé, butsiá tsiátóá ilegí Bulu ansí. ⁶ Ida mli ansító aní Bulu léha ogyá lóhó Sodom múa Gomora awúlu mlí nsúó. Amú lakpan sv Bulu lébití amú isu, isuna tóá íbéba ahá aní butókúsú líi mususu ekekú. ⁷ Táme Bulu léle yilé obwepú Lot mú ali bré ámutó. Ahá ámu tsiátó laláhe pú amú mblasumágyi letsíá han mu. ⁸ Oletsíá nú, oletsíá wun amú bwehé laláhe ekekegyíeke, iletsíá tó mu klun. ⁹ Iní féé ilosuná aní aní Wíe yin aliá obéle yilé abwepú tsú isókito, pú aliá obébití lalahe abwepú isu yófun ekeá obégyi amú asún. ¹⁰ Múá idun a, ahá anfi odu butamagyí iwisu, iwitsú bu amótó, butamasúsu tóto iwi dun hakpan aní amú owóli laláhe tekle. Bulu obéhie bití amú isu.

Ní bude anumnyampvá bubu osúsú sia á, itamawá amú ifú. ¹¹ Bulu-aborvá buhíé bubu túmi, bubu owonlín kúráá butamasíá anumnyampv anfi Bulu ansító. ¹² Afunu ató asunápú anfi bugyi fé pututo-mbwíá buma agywun. Butókwíi amú keke, ahá butekítá amú, mó amú. Butéblí asun laláhe tsú tóá bumonu mú asi iwi. Amú lalahé bwe béhi amú fé pututo-mbwi. ¹³ Ali amú bahá ahá bude asún wun amu sv Bulu obópu asun wunhe ká amú akó. Butegyí odwe nketó, tsúfé ansigyíla butóbwe. Butóbwe péllula, kpóí iwi, butowíe anito aní nkegyító. Bude iwi mlé. ¹⁴ Tóto ima

* ^{2:4} Tataro butetí unu Griiki oblító.

amú ansigyí dun mbvatò. Butamasí lalahé bwe. Butemlé ahá ání amú hógyi melíi tsukule, há bútòbwé lakpan. Bahié bí ònsipe wa. Amú bwehé lalahé anfi sv, bogyówi ní! ¹⁵ Basí òkpa wankláán ámv tswi, yó bubuo Beor mv bi Bulu ònósú òtòipú Bileam bwehé lalahé. Òlòdwe sika ání obénya tsú lalahébwetò. ¹⁶ Mú sv Bulu léha mv afrímú lótòí wa mv, ulaha olesi mv gbedéla amv bwe.

¹⁷ Afunu ató asunápú anfi buma labi kuku. Bugyi fé ntsuá ulakpí ntée nyankpúá ulabílá tuun, afú latsvan mú náti. Íni sv amú otsiákpá ání Bulu lalá yáí amú gyí oklún tuuntò. ¹⁸ Butotsú iwí, ká ònótó, pú amú òwólí lalahé tun ònó, mlé ahá butelábwe lakpan ání besi bwe umòkúwá òpá. ¹⁹ Butehíé ahá beε, ní begyi amú atosunáhésu á, begyi iwí. Táme amú onutó bugyi nkpábi há tsiátó lalahé. Tsúfé nyankpusa gyí òkpábi há tóá ide musu gyí. ²⁰ Ahá ání babí aní Wíe pú aní Òlepú Yesu Kristo, sí òyító òwólí lalahéá iteyíntá nyankpusa bwe, beyinkí yébitíwíé mótó, igyi amúsú á, amú tsiátó teláyíntá dun alíá igyi yáí. ²¹ Ní bumetepí wun òkpa wankláán ámv kúráá á, tekú ibv alé há amú dun ání bówun mú yínkí òma, sí mbla wankíhé amúó bòpvhá amú ámvsv gyí. ²² Amú bwehé ánfí lahá yébi anfi laba mótó. “Kíai tékpláí, lápú mv òdandu tsú” pú “Febie òprákuo ntsu ahágyíalíá á, òteláyébie òdiba.”

3

Aní Wíe Òbáke

¹ Mí apíó adwepú, íni gyí òwulò nyòòsiá ndewanlín sísí mli ní. Ndepv nwwulò anyò ánfí káín mli, méní mlògywúín mú iwí wankláán. ² Ndekléá mlikáun asún amúó Bulu ònósú atòipú wankíhé amv beblí yáí ámvsv. Mlikaun aní Wíe, ogyi aní Òlepú Yesu Kristo mbla amúó òlòtsun mv sumbí ayòpúsú wá há mli ámvsv. ³⁻⁴ Gyankpapv a, ndekléá nékáín mli ání nke tráhe amutò á, ahinlá abwepú aku

bóbuo amú onutó ɔwólí laláhe. Bómásí mli, fíté mli bee, “Yée Yesu léblí yáí ɔbéε, mélayínkí bá a? Mú nkí mu mé? Tsú aní anáin lowu brésú ɔpá á, tɔtɔtɔ mókótse. Alí amúú ilenya igyi ámu ni.” ⁵ Bakí ansí tan aní ɔnó Bulu lópublí asún bímbí ámu, ɔsú móa así lelun, ɔsolúv ledalí tsu ntsutso. Ntsu é ɔlɔpubwé mú. ⁶ Ntsu kén ɔleha ulɔbulá yíntá bímbí ɔyí ámu. ⁷ ɔnó ámu kén ɔletrá publí aní ɔsú móa así ánfí mú íbétsiá yófun ekeá obégyi ahá amúú butamanyá mu ifú ámu asún, pú ogyá hí tógyító.

⁸ Táme apíó adwepú, mlumátan íni mósú. Ekewóle igyi fé nfí-ɔpím, nfí-ɔpím é igyi fé ekewóle aní Wíε ansító. ⁹ Ahá buki bee, Bulu tesi tsiá tóá alahíéá ɔbóbwesv. Megyí alí igyi, mbóún klun otenyá há mli; méni ɔhagyíɔha ɔbédamlí kluntá sí lakpan bwe, tsúfé omedékléá ɔhaa ɔbófwi.

¹⁰ Táme aní Wíε ɔbáke amv íbófwie ahátó, fé aliá owikplu tofwíε ɔható. Eke ámu a, ɔsúsú bósura okitikíti kúklúkúlú ɔa. Ogyá bénylaín ntobíá ɔlɔpubwé ɔsú móa así féé. ɔsolúv móa mósú ató é féé bóhɔ plíplíplíplí. ¹¹ Ínía lélé Bulu obéyíntá ɔyító ató féé alí á, tsiátó mɔmɔ ilehián aní mlóputsiá, íbégyi Bulu ansí? Ilehíán aní mli iwí bétun, mlósúm Bulu. ¹² Mlitsia tsiátó anfi puki ɔkpa ha Kristo ɔbáke amv, amlíha mú ikɔsí ba. Bulu ɔbópv ogyá hí tógyító ɔsúsú eke ámu. Mú okunkúu é íbénylaín unv ató féé. ¹³ Táme Bulu léhie aní ɔbóbwe ɔsú móa así pɔpwe há aní. ɔtínéá ahá aní amú asún da ɔkpa bétsiá. Mú anigyó ní.

¹⁴ Mú sv apíó adwepú, ínía mliɔyó íni sv á, mliɔyí iwí amlitsia tsiátóá mú iwí letun, ɔlala méetsiá mli iwí Bulu ansító, méni iwílwii bétsiá mli mɔnyɔ nsiné. ¹⁵ Mlumátan aní ahá nkpahɔ sù aní Wíε dé iklun nya, fé aliá aní pío ɔdwepú Paulo lópv nyánsa aní Bulu léha mu wánlín asún ánfí kén sísí mli. ¹⁶ Asún ánfí aná iwí ɔlɔtɔí tsú mu nwló féétó ni. Táme mu asún ámu iku asunu bu ɔnlun. Mú sv ahá aní butamakási tɔtɔ pú ahá aní amú hogyi melí tsukole

butedámlí Paulo asón ámv, fé alí ámvú butedámlí Bulu asun wanlínhé bun amv. Mú ðbéha Bulu ðbéhi amú ní.

¹⁷ Táme apíó adwepú, íniá mliyín mú alí sv á, nde mli ðlá da yái. Mlidnka ansí iwísv, méni ahá ánfí butamagyi mblasv ánfí bumóðpv amú atosunáhé laláhe amv bemlé mli, amlidída. ¹⁸ Mboún mliyð músú, méni aní Wíe pú aní ðlepú Yesu Kristo awítøle pú mv bí bómoní mlitø. Numnyam ibwée mv kle tsú séi púya bré fféétó! Amen.

Bulu ntam pɔpwe; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: Nkonya

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 13 Mar 2019 from source files dated 13 Mar 2019

01b09958-fa53-51d1-aae0-88c7e9302503